

內鄉縣志卷之五

內鄉知縣加二級宛平寶鼎望重修

風俗志

古天子巡狩諸侯貢俗太史采風以辨貞慝故瘠
土之民勞勞則思善樂土之民逸逸則淫佚土地
之與風俗豈不相關哉顧民情之從於長上者謂
之風民習之繫於水土者謂之俗則振其風而一
其俗匪異人任矣內鄉山川秀贍人生其間大抵
絃誦力本斯其可稱述者寇亂之後習俗稍異今

欲其士食舊德農服先疇端在司風教者加之意焉志風俗

一士農工商 邑向來俗樸風淳非橫經卽負耒其遂末爭子母之利者什之一二耳往時士多絃誦用是經明行修者固多而紆青拖紫冠蓋相望近乃皇皇賦役擔簦負笈者不少概見學不殖而落矣往時路鮮遊民野無曠土農勤耕耨婦勤紡織至有朝浣紗而夕成布者田夫終歲勤動田婦亦能從事畝畝近乃戶口流移阡陌荒蕪牛種耒

耜不具水旱不時耕織者滋苦矣欲徙而爲工則
時絀無舉羸之家誰計傭而授食更欲轉而爲商
則室如懸磬卽小負販且不給尙何能南北車牛
遠服賈今必四民不自失其業而在上者又有以
使之不失其業則士力學而科第接踵農勤耕而
倉箱盈室太平之盛可復觀矣

一冠婚喪祭 冠三加古禮也男子二十冠而字
內鄉冠禮間行於士大夫之家而久不行於民間
邇來冠不告廟字不命之於賓成人之道廢矣司

馬溫公朱文公丘文莊公家禮儀節具在舉而行之不難也六禮備而成婚務崇節儉以正風化之原所重在親迎耳邇來婚姻多論財矣始也女之父母多索聘禮繼也男之父母較論粧奩日後婦姑失歡夫婦反目未必不基於此人自習焉不察耳先輩每以爲戒茲欲移風易俗亟當禁此惡習喪禮之大者主哀敬而已近乃靡文是尙聽堪輿家爭難得之風水而久致暴露信僧道輩糜有用之金錢而反廢血食此惑溺之甚矣親喪固

凡自盡也凡歸於葬於棺者必誠必信勿
葬焉而已 祭所以尊祖敬宗禮曰祖有功宗
德自士而上皆得立廟庶人祭於寢內鄉士大夫
家有合祭墓祭之禮庶人則惟知墓祭耳考定
庶人亦得祭四親則高曾祖考固皆可祭於寢
四親以上不拘世次並宜於清明節至墓所祭之
庶不失追遠之意也

縣邑紳李蔭與余子發議婚禮書曰小兒
適有門下不鄙許結良緣何幸何幸茲有
敬托媒氏致上希荒入之夫婚禮之壞也久矣
今於門下稍倣古禮行之而并陳其不可者數事

古納采納幣俱以媒氏往而今男家之父母俱往
其非禮一也男家之父母尚不得往而又多邀賓
客以往其非禮二也古婦人出門必擁蔽其面而
今以處子輕出見客其非禮三也處子固不可見
客而婿又往女家名曰拜筵其非禮四也男與女
家納采行聘禮也而女家又爲婿致靴帽焉似爲
無名其非禮五也女子于歸之日不聞有送者而
今女之父母供送至婿家於事頗陋其非禮六也
古禮女子之嫁於舅姑婿氏尚不聞有鞵而今親
戚俱以鞵贈其非禮七也男子不冠者不婚爲未
成人也而今皆總角以娶其非禮八也女子既婚
三日然後廟見四日歸拜其家之父母今乃於大
日即在其非禮九也古娶婦之日不作樂爲代
禮今乃鼓吹喧闐達於里巷其非禮十也夫禮
之道之始其所繫匪輕而豈可有此十失焉哉
夫禮之於人無貴耳矣而名爲士大夫者固守
之若金然其於流俗不一其守之者亦不一其
守之者亦不一其守之者亦不一其守之者亦不一

主釋筵維新與張助甫議喪禮書曰姑蘇之
人最雅舞在在皆然而吾鄉尤甚鼓吹響振
繼繼之次反鋪歌舞之筵矣吾丈痛懲此弊
力追古道去泰去侈居戚居約斷葷酒屏聲衆誠
孝子之用心爲有識者所共欽也凡我同志宜共
成此美是以不肖竊有請焉夫壞禮之端非一而
酒席之失滋甚凡來奠者皆骨肉之親也誼當哀
戚與同而乃糾朋引類浮白飛觴呼號乎几席之
上不知孝子之有親而孝子者亦復相與往來乎
深杯大嚼之間寧復知親喪之在側卽不然者當
客之羣然而至也主人方肆筵設席以延客之不
暇又何暇爲吾親出一涕乎雖在盡孝之子亦姑
且收淚而先爲款客計矣害禮傷教莫此爲甚南
陽之俗猶存雅道凡來吊者一茶而去初不知有
卽席之安亦未嘗怒主人以服爲辭也此一節足
戒吾丈之美吾丈誠斷然行之凡屬有人心者未

有不帖然相安者也當更有聞風而興起者未必非復禮之基矣吾丈以爲何如

一居室服食 古禮宮室有制服食有制內鄉俗

稱近古衣服率用布素廬舍率尚質樸而一切紛

華靡麗未之前聞至讌會亦皆從儉蓋地介山谷

本無水陸異品以故簡約自安卽器皿並不用黃

白有光進之遺風焉明末漸近奢移今急巨不又

又何能奢然有士大夫之家短褐不完寧設一舍

簾廬不蔽風雨而販豎與隸驟至丹墀閉門不

爲錯者矣孔子曰奢則不孫儉則固與

寧固必有爲之防微杜漸者斯能返機轉

一時序節令

元旦禮天地祀先畢次見尊

序拜春盤酌酒相獻

立春先一日城中地

鼓樂綵旗列隊於勾芒神土牛前以迎春氣

年

元宵張燈三日乃罷大家婦女無出遊者

清明具牲醴紙錢展墓除草復土雖遠祖之墓亦

廢祭

端午飲雄黃菖蒲酒食角黍艾葉懸門

錦符於正午取百草爲藥

七夕婦女設瓜果

中庭穿針乞巧

中元焚紙衣鈔薦先

中秋

酒脯玩月以月餅相餽爲敬 九日登高食蟹

菊卽塾師亦攜弟子從遊 十月初一日士大夫

焚紙衣鈔祭於家 冬至邑人祀先詣官長師長

相賀重一陽來復之意也 臘月二十三日夜

竈次日掃室宇 除夕更桃符作春帖父老子弟

宴饌圍爐團聚竟夜坐爲守歲爆竹以辟山魃

時金鼓之聲達旦

一鄉社約會 鄉有約社有會所以奉

王章而宣德化也 邑中各鄉保每朔望合士民

於公所講解十六條環拱聳聽設善惡簿者錄之有過則記而使改之不改則公報於官又飭里甲稽查姦宄使人不敢爲非家得安堵春社日農人爲會禱神以祈穀實秋社則報成焉而曆之祭正所以弭沴氣而致和氣皆風之近於古者昔內鄉儒學中刻有祭祀儀式年久板廢後進多不及見遂致舉行者漸寡矣陳文莊公仁錫因其天下通行而備載於八編類纂中遐想內鄉盛時當有同風今附錄於後試盡舉而行之則雨暘

時若五穀豐熟在是民庶安康孳畜蕃庶亦在是
矣

里社 凡各處鄉村人民每里一百戶立壇一所
祀五土五穀之神專爲祈禱雨暘時若五穀豐熟
每歲一戶輪當會首常川潔淨壇場遇春秋二社
預相率辦祭物至日約聚祭祀其祭用一羊一豕
酒菓香燭隨用祭畢就行會飲會中先令一人
擲筮扶弱之誓其詞曰凡我同里之人各遵守
法毋恃力凌弱違者光共治之然後經官

靠周給其家三年不立不使
曾其婚姻喪葬有
乏隨力相助如不從衆及犯
盜詐僞一切非爲
之人不許入會讀誓詞畢長
以次序坐盡歡而
退務在恭敬神明和睦鄉里以厚風俗

鄉厲 凡各鄉村每里一百八內立壇一所祭無
祀鬼神專祈禱民庶安康望上田蕃盛每歲三祭春
清明秋七月十五日冬十月初一日各於日晡時
舉行其祭物牲酒隨鄉俗置辦其輪流會首及祭
畢讀誓會飲等儀與祭里社同

附祭文 內鄉縣某鄉某村某里某社里長某人
等為祭祀本里閭社無祀鬼神等事普天之下
后土之上無不有人無不有鬼人鬼之道幽冥雖
殊其理則一故天下之廣先民之衆必立君以主
之君總其大又設官分職於各府州縣以分掌之
各府州縣又於每百戶內設一里長以細領之上
下之職綱紀不紊於人設法如地天子祭天地神
祇及天下山川各府州縣祭境內山川及祀典神
祇庶民祭其祖先及社上穀之神上下之禮各
有等第此事神之者此尚念冥冥之中無祀鬼
神昔為生民未知何而歿其間有遭兵亦而橫
傷者有死於水火盜賊者有被入取財而逼死者
有被人強奪妻妾而死者有遭刑罰而貧屈死者
有天然流行而疫死者有為猛獸毒蛇所害者有
為饑餓凍死者有因戰鬪而殞身者有因危急而
自縊者有因精星傾頽而歿者有死後無子孫
者此等鬼魂或死於前代或歿於近世或兵戈
饑饉後於他鄉或人烟罕處其祭祀姓名

設於一隅祀典無聞而不終此等孤魂死無所依
精魄未散結爲陰靈或倚壁牀不覺作爲妖怪悲
號於星月之下呻吟於風雨之時凡遇人間節令
心思陽世魂杳杳以無歸身墮沉淪意懸懸而望
祭興言及此憐其慘悽故在京都有泰厲之祭在
各府州有郡厲之祭在各縣有邑厲之祭在一里
又各有鄉厲之祭期於神依人而血食人敬神而
知禮本縣官既遵奉祀典謹設壇於城北仍奉本
處城隍以主此祭今某等不敢有違謹設壇於本
里以三月清明日七月十五日及十月初一日同
率領某人等百家聯名于此置備羹飯穀物祭於
本里無祀鬼神等衆靈其不昧依期來享此祭凡
我一里之中百家之內倘有忤逆不孝不敬六親
者有奸盜詐僞不畏公法者有拘曲作直欺壓良
善者有躲避差徭靠損貧戶者似此頑惡奸邪不
良之徒神必報於城隍發露其事使遭官府輕則
笞決杖斷不得號爲良民重則徒流絞斬不得生
還鄉里若事未發露必遭陰詎使舉家病染瘟疫

六畜田蠶不利如有孝順父母和睦親族畏懼官
府遵守禮法不作非爲良善正直之人神必達之
城隍陰如護祐使其家道安和農事順序父母妻
子保守鄉里如此則鬼神有鑒察之明我民非誑
諛之祭靈必無私
永垂昭報尙享

內鄉縣志卷之五終